

Rebut peluang sambung belajar menerusi Jom Masuk IPT 2020 Zon 2 Pahang



Pengumuman program Jom Masuk IPT anjuran Jabatan Pendidikan Tinggi, Kementerian Pendidikan Malaysia bakal memberi peluang kepada pelajar sekolah menengah, lepasan diploma dan setaraf, ibu bapa, guru dan komuniti setempat merebut peluang yang menyambung pengajian tinggi di pelbagai institusi pendidikan tinggi di negara ini.

Pada program yang menyaksikan Universiti Malaysia Pahang (UMP) Zon 2 sebagai tuan rumah itu, pelajar dan ibu bapa berpeluang bertemu dengan wakil-wakil dari universiti dan kolej ketika pameran.

Orang ramai boleh mendapatkan maklumat mengenai pengajian, pembiayaan pendidikan, dasar dan prosedur permohonan kemasukan melalui aplikasi dalam talian serta syarat-syarat kelayakan yang diperlukan.

Terdapat sebanyak 100 reruai pempamer daripada universiti awam dan institusi pengajian tinggi swasta, politeknik, kolej komuniti, institusi latihan kemahiran awam dan institusi-institusi lain.

Pempamer terlibat akan menyediakan maklumat kepada calon-calon pelajar mengenai kemasukan ke institusi pendidikan tinggi seluruh negara bagi sesi kemasukan 2020, maklumat penawaran program akademik yang ditawarkan, semakan kelayakan dan nasihat akademik.

Timbalan Naib Canselor (Akademik dan Antarabangsa) UMP, Prof. Ts. Dr Mohd. Rosli Hainin berkata, program itu merupakan pusat sehati bagi menyebarkan luas maklumat mengenai peluang pendidikan tinggi dalam negara termasuk penawaran pengajian pra siswazah, pasca siswazah, pengajian sepanjang hayat dan program atas talian (MOOC).

"Sebagai salah sebuah universiti dalam Rangkaian Universiti Teknikal Malaysia (RUTM), program kali ini turut memberi peluang kepada ibu bapa dan pelajar mengetahui tentang

pengajian program teknologi kejuruteraan yang ditawarkan UMP.

"Maklumat berkaitan program pendidikan teknikal dan vokasional (TVET) yang mampu menyediakan peluang pekerjaan yang lebih tinggi dalam pasaran menjelang era Revolusi Perindustrian Keempat (IR4.0) turut disediakan," katanya.

Mulai Sesi Akademik 2020-2021, UMP menawarkan 36 Program Sarjana Muda dan enam Program Diploma termasuk program Ijazah Sarjana Muda Teknologi bagi menyediakan pelajar yang kompeten dalam bidang teknikal dan memenuhi keperluan industri.

"Turut diadakan, pameran dan demonstrasi sains dan teknologi termasuk *Lego Mindstorm Robot*, *Augmented Reality (AR) Emotional Book*, *Social Robot (Facial Emotion Recognition)* dan *Kit STEM Bot* selain program keusahawanan serta kebudayaan melibatkan mahasiswa UMP," katanya.

Beliau berkata, pelancaran Jom Masuk IPT Zon 2 (Pahang) pada 22 dan 23 Februari ini akan disempurnakan

kan Pemangku Raja Pahang, Tengku Hassan Ibrahim Alam Shah Al-Sultan Abdullah di Kompleks Sukan UMP Gambang.

Pengumuman Jom Masuk IPT 2020 dirasmikan Timbalan Menteri Pendidikan, Teo Nie Ching di Persada Johor International Convention Centre, Johor Bahru pada 15 dan 16 Februari lalu sebagai pembuka tirai.

Selain UMP, lokasi lain yang dijadualkan termasuk Taman Tasik Darulaman, Jitra (29 Feb dan 1 Mac), Sabah International Convention Centre (7 dan 8 Mac), Amanjaya Convention Center, Ipoh (14 dan 15 Mac), Stadium Tertutup Kompleks Sukan Negeri Terengganu (14 dan 15 Mac), Borneo Convention Centre (21 dan 22 Mac) dan MAEPS, Serdang (28 dan 29 Mac 2020).

Info

- 100 pempamer
- 22 dan 23 Februari 2020
- Kompleks Sukan Universiti, UMP Kampus Gambang

JPT
JABATAN
PENDIDIKAN
TINGGI



KEMENTERIAN
PENDIDIKAN
MALAYSIA



ZON 2

PAHANG

KOMPLEKS SUKAN
UNIVERSITI,
UMP KAMPUS GAMBANG

22 - 23 FEBRUARI 2020



Jom Beramai-ramai

MASUK PERCUMA

KONSULTASI



SUDUT
TAJARAN

PAMERAN
PENDIDIKAN
TINGGI

PAMERAN DAN
DEMONSTRASI
SAINS

